


國家圖書館藏

清代孤本方志選



綫裝書局

寧國縣志卷之二



文林郎知寧國縣事前河南道御史蒲州楊公
遠纂修

祀典志

城隍

書曰惠迪吉從逆凶此言天人感應之理然擬於影嚮者實有神焉以宰之故易又曰三人以神道設教乃若同保障之寄獨有城隍神為邑中特祀則地方之安危民生之禳祥皆神有專責宜為祀典之首重

國家圖書館分館編

清代孤本方志選

(第二輯第十冊) 安徽

寧國縣志〔順治〕六卷

霍丘縣志〔康熙〕十卷

也志城隍

按城隍漢唐以來未見祀典自

小而後郡若縣皆

廟祀之

洪武三年封天下府

隍監察司民成

靈公縣城隍監察司民顯佑伯

誥文存庫洪武

三年六月詔封號止稱某府某縣城隍之神其祭

祀初用祭山川後一日其後合祭於山川風雲雷

雨不復專祭父老相傳

高祖提兵寧國城隍有扞庇之功每歲六月初六有

太牢之祀此爲特典異於他城隍誥命見

翰志范尹碑文祝文見士翰志崇禎丁丑縣侯李
公思恂加意重建廟貌煥然一新寧民感侯之德
爲建生祠於儀門內左

正殿五間

崇禎丁丑李侯思恂重建

殿前官屋三間

嘉靖戊申李侯東范侯鎬建

神應樓三間

李侯東范侯鎬建

石碑坊一座

嘉靖戊子王侯庚建

道士住舍二間甬道兩旁栢桂諸木俱范鎬植

壇壝

天地之心原以爲民然造化無全功必分任於社稷山川雷雨之神故官府建設壇壝人但知春秋祈報告虔於神而不知正欲其體上帝愛民之意錫福以奠安斯民耳若夫南壇取諸陽西壇取諸陰北壇取其陰之極則義之芴見者矣志壇壝

○社稷壇在治西二里洪武辛亥張侯居敬建正統間何侯廣植之以松地廣狹界見於圖神牌以木爲之高二尺五寸博四寸五分厚九分銑座高四寸五分博八寸五分厚四寸五分上書神號二

曰縣社之神在東一曰縣稷之神在西范侯
磚石重築并置神爵祝板瘞坎在壇西北

神厨三間在壇左廢久庫房三間在壇左廢宰牲
池并在壇左壇門四所正德間王侯時重建嘉靖
間李侯東重修

○風雲雷雨山川壇在治南二里

洪武辛亥張侯

居敬建地廣狹見圖神牌一曰風雲雷雨之神居
中一曰境內山川之神居左一曰寧國縣城隍之
神居右范侯鑄用磚石重築并置神爵祝板

神厨三間在壇東廢又宰牲房三間在壇東廢洗
牲井在壇東壇門四所俱廢

○厲壇在治北一里張侯居敬建何侯廣植之以松
壇地廣狹在圖厲牌題曰本縣境內無祀鬼神臨
祭之日一設於左一設於右

神厨二間廢宰牲房廢壇門一所扁曰邑壇

○里社壇每里設一所春秋社日里中父老相率祈
報於此

○鄉厲壇每鄉設一所以祀無祀鬼神里中間有行

者

廟祀

記稱法施於民以死勤事以勞定國禦大災捍大患
並祀祀之此爲國爲民崇報之典也然豈惟昭既往
之芳烈哉所以樹後來之楷模俾忠節之風繼美前
賢則四海之遠且瞻仰景行焉寧僅勵邑之俗化
而已也志廟祀

東嶽行祠在治西北三里白雲山之上宋乾寧中
建真武廟附其側正統戊辰道會柳玉山建拜亭

一所景泰甲辰道會趙景常重建祠屋三間奉神像於內

東平廟在縣西城門外唐太和中建永樂癸巳修正統甲子何侯廣周丞倫重建景泰甲戌邑人胡璇建拜亭於前萬曆甲寅署縣事郭推許光祿重修

關帝廟舊在南城門外崇禎十年謝侯紹芳募民資林重建廟於西城門外規模壯麗葉侯承光修於廟門海池砌墻脩極崇茲之觀云

沈大聖祠在縣西三十里文春山下俗傳沈乃唐
師歸山坐石而化里人禱雨輒應宋紹興中余丞
相端禮來尉於此會歲旱丞縣檄詣祠請雨方齋
宿夢神語之曰公後終貴當爲公一雨旣寤晨謁
祠曰夜夢果不謬當新神之祠須臾玄雲四集大
雨傾瀉竟晝夜乃止後公帥金陵又夢神來謁因
省舊事乃捐緡錢二百萬附僧以新其祠後傾圮
洪武辛未歸并奉聖禪院永樂僧普榮重建其南
三十里有龍池山高五丈三峰屹立有龍池可

一畝餘亦祀神有庵雙橋洪俊建

英濟汪王廟在治西九十里塵嶺之陽王姓汪諱華
績溪人唐武德中以宣歙納歙授歙州刺史持節
宣歙杭睦婺饒諸軍事封越國公六年授左衛統
軍後爲九成宮留守二十一年薨先是大業間豪
傑並起汪天瑤殺郡守張公瓊王攝刺史宣守聞
之將兵來聞王以精兵八百人來戰於寧國上岡
宣守請降王因撫定其民選其精銳以歸奄有六
州帶甲十萬今廟乃自歙來宣戰勝之處也洪武

間里人梅榮受重修

東靈廟在治西九十里石鼓山神姓裴名萃歙人也
水旱禱之必應按英濟王行狀云王以歙兵攻宣
州至溪方渡馬蹏墜鞭遣卒取之不得王怒拔劍
斬尸立水中不仆主人異之因立祠焉今稱東靈
神

梅魯王廟在治東北七十里祀唐梅公知巖也隋大
業十三年天下大亂賊寇蜂起所在燔劫於是起
兵據郡以保鄉井是時僭號稱王不可勝數而知

巖獨不然既見天命集唐則與涇人左難當俱請
入朝使新郭晏然不受唐師之伐是有意於庇鄉
壘而無意於富天下最為賢於一時諸雄宜秩祀
典兩見唐高祖本紀

義烈方公廟在治西三十里建炎中戚方叛時戰歿
有功宋建炎時建廟旌其義烈元末兵燹洪武辛
酉嗣孫方繼重修

徐偃王廟在治北二十里歲旱禱雨多應邑令魏公
刻石存焉

四相公廟在治東八十五里神諱韶南唐時爲
青光祿大夫檢校國子祭酒兼監察御史上柱國
右軍討擊副克宣城縣子岳靜邊都知兵馬使兼
宣歙鎮將宋開寶中下金陵詔籍所部兵民入朝
於汴宋太祖因唐官而授之仍俾撫其衆未幾率
鄉人感其功德祠事甚謹溪南章氏實神之後

石王廟在治北三十里宋治平建後廢洪武乙丑里
人王原重修

湯公廟在治北三十五里湯公山宋時所建

昭烈武成王廟在治南九十里北姑山下其神世傳
爲周尚父太公望宋阮助教重建元末廟廢遺像
猶存洪武中里人重建歲時祈禱有驗

忠顯行宮在治東一百二十七里宋淳熙中建明弘
治己酉邑人潘世南重建

祠山廟在治西三里戈塘祖廟在廣德州神姓張
渤漢神雀中禮斗廣德軍橫山正統中重建照
四里又有行宮一所鄉間多立廟祀爲土主

靈應

黎相公廟在治北二十里唐會昌中建水旱禱之神
姓李諱頴睦州人嘗爲建州刺史立廟黎山里人
奉之甚謹俗因號爲黎相公廟事見唐書藝文傳
北廟在治北四里祀土神讖傳水打北廟園寧國出
狀元宋高宗南渡時水繞廟吳潛應期生登嘉定
狀元及第

聖容廟在治南九十里記曰嶽山楊氏三娘少奉佛
不茹葷父母責之嫁遂遁迹不復見鄉人驚異因
剌木爲像祀之號聖容菩薩自南唐保太末顯靈